



Prosjektmandat

Prosjektnr	Namn	Saknr
(økonomi)	Busetting av flyktningar i kommunestyreperioden 2015-2019	(websak)
Prosjektfase	Utarbeiding av plan (forprosjekt)	
Oppdragsgjevar Kommunestyret Politisk styringsgruppe Levekårutvalet Adm. styringsgruppe: Rådmannsgruppa Prosjektgruppe: Prosjektleder: May Hundvin, NAV Lindås Prosjektdeltakarar: Ragna Midtbø og Sally Solberg (Oppvekst), Terese Folgerø(kommuneoverlege), Reidun Sæbdal(Helse), Svein Gjerstad (Bustadkontoret), Øyvind Stang(Kultur), Kari Fanebust og Eivind Ertesvåg (Barnevern), NN (HTV). Arbeidsgrupper: 1) Anskaffing av bustader(kjøp/leige) – følgjer eksisterande rutiner. – Rutiner mellom NAV, bustadkontoret og oppvekst må ivareta kor det er rådeleg å etablere nyss komne familiar. 2) Plan for etablering av koordinerande gruppe – ivaretaking implementering. Koordinerande gruppe er samansett av NAV, Oppvekst og Helse. 3) Etablering av nytt mottak einslege mindreårige. Barnevernet lager delplan. 4) Etablering av tverrfagleg helseteam. Eining for helse og kommuneoverlegen set ned arbeidsgruppe. 5) Intensiv gruppe som utarbeider kostnader og budsjett inkl. nye behov for fagressursar og medarbeidarar innanfor intro, opplæring, helse, barnehage, kultur, vedlikehald og innkjøp bustader i samarbeid med økonomikontoret.		

Bakgrunn og forankring

Kommunestyret handsamar plan og gjer vedtak om omfang av busetting av flyktningar for den komande 4 årsperioden i starten av ein valperiode. Som førebuing til dette arbeidet vert det no etablert eit forprosjekt for å definere interne koordinerande behov. Forprosjektet skal vera avslutta våren 2016 og danne grunnlag for hovudprosjektet. Mandat for hovudprosjekt skal til politisk handsaming våren 2016.

I brev datert 20.11.15 frå Fylkesmannen vert Lindås kommune beden om å ta i mot 55 flyktningar i 2016 der minst 20 er einslege barn og unge. Vidare vert Lindås kommune beden om å ta i mot 63 flyktningar i 2017 der minst 32 er einslege barn og unge. Dette er basert på eit totalt busettingsbehov på 18 000 i 2016 og 21 000 i 2017. Fylkesmannen ber om at det ikkje vert fatta vedtak som inkluderer familiegjenforening eller som ikkje gjer det mogleg å gjennomføre busettingsarbeidet. UDI har rekna ut at for kvar flyktning som får opphald i Norge, får vi i snitt 0,5 flyktningar ekstra på grunn av familiegjenforeningar. Det skal takast omsyn til familiegjenforening når ein fastset årleg mottak.

Hovudmål

Resultatmål – hovudprosjekt:

- 1) Lindås kommune skal busette inntil 240 flyktningar i perioden 2016 – 2019.
- 2) Av det totale talet skal kommunen til ei kvar tid ha busett 20 einslege mindreårige flyktningar.
- 3) Lindås kommune sine einingar og avdelingar tar i mot flyktningar i eigna språkpraksis. Vi tar i mot 80% av dei med behov for slik praksisplass.
- 4) Lindås kommune brukar frivillige i arbeidet med å ta i mot og integrere nyss komne flyktningar i lokalsamfunna. Som kommunalt tilsette skal vi vere aktive i å delta på arrangement som fremmer samhandling mellom dei som kjem til kommunen og dei som bur her frå før.

Effektmål – hovudprosjekt:

- 1) Vaksne blir aktive innbyggjarar i kommunen og kjem i arbeid og aktivitet i løpet av integreringsperioden. Barn og unge gjennomfører skulegang og utdanning.
- 2) Ein betre og raskare integreringsprosess gjennom systematisk bruk av flyktningane sine egne erfaringar.
- 3) Effektiv bruk av faglege og administrative ressursar i samband med busettingane.
- 4) Heilskap og tverrfagleg samarbeid einingar og avdelingar i mellom.

Resultatmål - planarbeid (forprosjekt)

- 1) Utarbeide plan som legger til rette for mottak av flyktningar i trå med resultat og effektmål i hovudprosjektet.

Rammer

Økonomi/finansiering	Beløp i kr
Forprosjektet vert finansiert innanfor eksisterande rammer.	

Avgrensingar

Kva inngår i prosjektet?

- 1) Busetting av flyktningar og einslege mindreårige under 15 år.
- 2) Omfang og ressursbehov frå vaksenopplæring, barnevern, NAV, bustadkontor og frivillige.
- 3) Gjennomgå og forbetre system for språk- og arbeidspraksisplassar.
- 4) Organisering og tilrettelegging av det frivillige arbeidet.
- 5) Rutiner ved busetting av flyktningar for barnehage og grunnskule
- 6) Vurdering av behov for helsetenester til flyktningar (tverrfagleg helseteam). Vurderinga skal også omfatte helsetenester til asylsøkjjarar og eventuelle arbeidsinnvandrarar. Organisering av helsetenestene skal også vera ein del av vurderinga.

Kva inngår ikkje i prosjektet?

Interkommunale planar for busetting av flyktningar.

Oppretting av akuttstasjonar for asylsøkjjarar og/eller asylmottak

Omgrep:

Flyktning:

Personar som har fått opphald i landet og skal busettast i ein kommune.

Asylsøkjjar:

Personar som søker om å få flyktningestatus

Kvoteflyktning/overføringsflyktning:

Personar som vert busett direkte i ein kommune utan opphald på asylmottak

Einsleg mindreårig flyktning under 18 år:

Ein flyktning som kjem til Norge utan foreldre el. andre med foreldreansvar

Ansvar: BUF-etat for dei under 15 år.

Blir busette i kommunale mottak eller fosterheimar.

Busetting:

Kommunen si etablering av flyktningar i egne heimar og med introprogram.

Mottak:

Staten sitt butilbod til asylsøkjjarar.

Risiko (viktigaste element identifisert ved oppstart)

Ikkje komme i mål med oppstart og gjennomføring av planarbeidet.

Framdrift

Avgjerdspunkt:

Mandat: Levekårsutvalet 1.desember 2015.

Prosjektplan: Levekårsutvalet 16.februar 2016, med bakgrunn i følgjande oppsett:

1)Før jul skal det oppnemnst medlemar i arbeidsgrupper og gjennomføre første møte med møteplan, fordeling av arbeidsoppgåver og frist for ferdiggjering av arbeidet.

Ansvar: Prosjektleiar

2)Prosjektplanen definerer vidare møtepunkt

Endringsoversyn

Versjon	Dato	Skildring av endring	Utført av
0.10	16.10.15	Dokument etablert	May Hundvin
0.11	02.11.15	Revidert og supplert utkast	May Hundvin
0.12	13.11	Revidert etter tilbakemelding frå rådmannen	May Hundvin
1.00	17.11	Handsaming i strategisk leiargruppe	May Hundvin